

তথ্য অবমুক্তকরণ নীতিমালা ২০১৫
(Information Disclosure Policy 2015)




তুলা উন্নয়ন বোর্ড
খামারবাড়ি, ঢাকা।

মুখবন্ধ

গণপ্রজাতন্ত্রী বাংলাদেশের সংবিধানে চিন্তা, বিবেক ও বাক-স্বাধীনতা নাগরিকদের অন্যতম মৌলিক অধিকার হিসেবে স্বীকৃত এবং তথ্য প্রাপ্তির অধিকার এর অবিচ্ছেদ্য অংশ। সৃষ্টির প্রথম থেকেই মানুষ তিনটি মৌলিক চাহিদা অন্ন, বস্ত্র ও বাসস্থান মেটানোর জন্য সংগ্রাম করে আসছে। সভ্যতার দিক থেকে বিবেচনায় বস্ত্রই হচ্ছে প্রথম মৌলিক চাহিদা। আমাদের বস্ত্র শিল্পের প্রাচীন ঐতিহ্য রয়েছে। এদেশে তৈরি রাজকীয় শাড়ী “মসলিন” বিশ্ব বিখ্যাত ছিল। বর্তমানে ও বস্ত্র বাংলাদেশের প্রধান শিল্প পণ্য। এই চাহিদা পূরণে সহায়তার জন্য তুলা উন্নয়ন বোর্ড কাজ করে চলেছে। তুলা উন্নয়ন বোর্ড তথ্যের অবাধ প্রবাহে বিশ্বাসী। তথ্য অধিকার আইন ২০০৯ এর বাস্তবায়নের অংশ হিসেবে তুলা উন্নয়ন বোর্ড তথ্য অবমুক্তকরণ নীতিমালা (Information Disclosure Policy) প্রণয়নের উদ্যোগ গ্রহণ করে। এই নীতিমালা প্রণয়নের ক্ষেত্রে তুলা উন্নয়ন বোর্ড এর সংশ্লিষ্ট উদ্ধর্তন কর্মকর্তাদের সাথে আলোচনা হয়। আলোচনা পর্যালোচনার পর তথ্য কমিশন ও বেসরকারি সংস্থা Management and Resource Development Initiative (MRDI) সহযোগিতায় তুলা উন্নয়ন বোর্ড কর্তৃক তথ্য অবমুক্তকরণনীতিমালা ২০১৫ প্রণীত হয়।

তুলা উন্নয়ন বোর্ড সর্বস্তরে প্রশাসনিক ও আর্থিক কর্মকাণ্ডের স্বচ্ছতায় বিশ্বাসী। তথ্য অধিকার আইন সঠিকভাবে প্রয়োগ হলে তুলা উন্নয়ন বোর্ড এর দাপ্তরিক কার্য সম্পাদনে স্বচ্ছতা ও জবাবদিহিতা আরো বৃদ্ধি পাবে। তথ্য অধিকার আইন ২০০৯ তুলা উন্নয়ন বোর্ড এর দাপ্তরিক কার্যক্রমে স্বচ্ছতা ও জবাবদিহিতা নিশ্চিত করণে বলিষ্ঠ ভূমিকা রাখবে।


(ড. মোঃ ফরিদ উদ্দিন)
নির্বাহী পরিচালক
তুলা উন্নয়ন বোর্ড

